

RADØY KOMMUNE

Sakspapir

SAKSGANG			
Styre, utval, komite m.m.	Møtedato	Saksnr	Saksansv.
Formannskapet	23.08.2007	069/07	CFO
Kommunestyret	13.09.2007	039/07	CFO

Avgjerslemynde: Kommunestyret	Arkiv: K2-G70	Arkivsaknr
Sakshandsamar: Christian Fotland	Objekt:	06/375

UTVIKLING AV DESENTRALISERTE PSYKIATRITILBOD I NORDHORDLAND

Saksutgreiing:

Helse Bergen, psykiatrisk divisjon er i gang med å vidareutvikla desentraliserte psykiatritilbod i tråd med opptrappingsplanen for psykisk helse. Det er mellom anna oppretta ei ny avdeling for desentraliserte sjukehusenester, DPS, Bjørgvin DPS. Døgnavdeling Manger er ein del av denne nye avdelinga med ansvar for tilbodet i Nordhordland.

På døgnavdeling Manger har Helse Bergen ni pasienter som er utskrivingsklare. Det betyr at desse pasientane vert kommunane sitt ansvar. Radøy kommune har tre av desse pasientane. Helse Bergen tok eit initiativ til å opprette eit prosjekt der hovudmandatet var å greie ut – og gjere framlegg om eit døgnbemanna bu-senter, organisert som eit interkommunalt samarbeidsprosjekt for psykiatriske pasientar i Nordhordland. Framlegget skulle klårgjere organisering, finansiering og ansvarsdeling.

Prosjektgruppa hadde følgjande samansetting:

Geir Dalland, prosjektleiar

Håkon Matre, leiar for Regionrådet i Nordhordland

Jan Olav Osen, rådmannsgruppe i Nordhordland

Christian Fotland, rådmann i Radøy

Karolina Vakt skjold, leiar for psykiatritenesta i Radøy

Terje Sætre, helse og pleie rådgjever i Lindås

Peeter Kubon, kommunelege i Austrheim

Vivi-Ann Flatraaker, Mental helse Meland

Raymond Eeg Follesø, avd. sjef for DPS klinikken Nordhordland

Rune Mjanger, overlege DPS – klinikken

Terje Binder, prosjektrådgjever

Målgruppa for tiltaket er klart definert:

”Psykiatriske langtidspasientar som treng døgnkontinuerleg oppfølging og omsorg i institusjonsliknande rammer.

Prosjektgruppa kom i juni 2007 med følgjande framlegg til organisering av eit bu-senter for målgruppa:

- Radøy kommune står for leiing og drift av samarbeidstiltaket
- Radøy kommune har arbeidsgjeveransvaret for dei tilsette i tiltaket

- Samarbeidstiltaket mellom dei andre kommunane (Modalen, Osterøy, Austrheim) skal vare i minst 5 år og evaluerast etter tre år
- Andre kommunar i Nordhordland (også Bergen) kan kjøpe plassar i tiltaket dersom det er ledige plassar.
- Det vert etablert eit fagråd med representantar frå deltakande kommunar og DPS-klinikken

Finansiering av tiltaket vert på følgjande måte:

- Med utgangspunkt i eit budsjett, vert kostnadene med tiltaket fordelt på tal plassar (+ - 9).
- Deltakande kommunar betalar for det tal plassar dei nyttar
- Tiltaket leiger lokale hos Helse Bergen – Manger DPS til kostpris.
- Det vert utarbeidd ein avtale mellom dei kommunane som deltar i tiltaket om alle praktiske og økonomiske tilhøve
- Kostnadene vert delt mellom kommunane og DPS-klinikken første driftsår 2008.
- Frå 2009 vert alle kostnadene fordelt på deltakande kommunar.

Ansvar:

- Radøy kommune er ansvarleg for samarbeidstiltaket. Radøy kommune vedtek budsjett for tiltaket, og fakturerer dei andre deltakarkommunane forholdsmessig.
- Dei deltakande kommunane forpliktar seg til å finansiere tal plassar dei nyttar ved oppstart i 5 år.
- Dersom ein pasient ikkje lenger nyttar tiltaket, disponerer kommunen plassen til annan brukar i målgruppa. Kommunen kan i eit slikt høve "selje" plassen vidare til ein annan kommune.

Vidare framdrift:

- Rådmannen i Radøy tek initiativ mot dei andre kommunane for vidare arbeid med detaljar.
- Det vert etablert eit samarbeidsforum der deltakande kommunar og DPS-klinikken vert representert
- Det vert utarbeidd ein avtale som regulerer alle spørsmål knytta til tiltaket
- Det vert starta drøfting med arbeidstakarorganisasjonane om overføring av personale frå DPS- klinikken til Radøy kommune.

Rådmannen si vurdering

Radøy kommune er den av kommunane i Nordhordland som har flest pasientar i denne gruppa. Dersom vi sjølve skal leggje til rette for eit butilbod for våre tre pasientar vil kostnadene verte mykje større enn om vi går i samarbeid med andre kommunar. Å byggje eit butilbod for denne gruppa vil vere svært kostnadsdrivande både på drifts- og investeringsbudsjettet for Radøy kommune. Årsaka til at Radøy kommune skal vere ansvarleg for tiltaket er at lokala til Bu- senteret vert i Radøy kommune. Ved å organisere dette med interkommunalt samarbeid vil vi behalde verdifull kompetanse i kommunen, og lokalitetane ved DPS-klinikken er svært eigna til formålet.

Rådmannen sitt framlegg til vedtak:

Radøy kommune etablerer eit bu-tilbod for utskrivingsklare pasientar frå Bjørgvin DPS i samarbeid med andre aktuelle kommunar. Rådmannen får fullmakt til starte arbeidet med detaljplanlegging av tiltaket.

23.08.2007 FORMANNSKAPET

Formannskapet rådde samrøystes kommunestyret til å vedta rådmannen sitt framlegg til vedtak.

FS-069/07 VEDTAK:

Radøy kommune etablerer eit bu-tilbod for utskrivingsklare pasientar frå Bjørgvin DPS i samarbeid med andre aktuelle kommunar. Rådmannen får fullmakt til starte arbeidet med detaljplanlegging av tiltaket.

13.09.2007 KOMMUNESTYRET

Kommunestyret vedtok samrøystes formannskapstilrådinga.

KS-039/07 VEDTAK:

Radøy kommune etablerer eit bu-tilbod for utskrivingsklare pasientar frå Bjørgvin DPS i samarbeid med andre aktuelle kommunar. Rådmannen får fullmakt til starte arbeidet med detaljplanlegging av tiltaket.